

չկար, որ աղմուկ բարձրացներ: Ամենքը մատներով էին ուտում: Խօսում էր միայն առաջնորդը: Նա գովում էր իր խոհարարին, թե նա Պոլսում այսինչ եւ այնինչ նշանաւոր փաշաների տներումն է ծառայել եւ հազիւ թէ ամբողջ Վանի մէջ նրա հատը կը գտնուի: Վերջին խօսքը բաւական վիրաւորական լինելով փաշայի հարուստ խոհանոցի պատոհին, նա էլ սկսեց գովաբանել իր խոհարարին, մի զարմանալի օրինակ բերելով նրա արհեստից, թէ նա հաւը այնպէս է պատրաստում, որ բոլոր ոսկորտիքը միջից դուրս է հանում, իսկ հաւը դարձեալ մնում է ամբողջ: Գուցէ այդ վիճաբանութիւնը երկուսի մէջ երկար տեւեր, եթէ Սիմոն պատոռելին իր երգեցիկ խումբի հետ ներս չմտներ: Նա այս գիշեր բաւական զարդարուած էր: Իր սովորութեան հակառակ, նա հագած ուներ մի բոլորովին նոր լոացուած շապիկ: Սիմոն պատոռելիի այդ նշանաւոր շապիկի պատմութիւնը ինձ համար անելի հետաքրքրական լինելով, ես թողնում եմ առաջնորդի ճոխ սեղանի նկարագրութիւնը: Պետք չէ մոռանալ, որ պատոռելի ուներ մի հատ շապիկ միայն եւ այդ լոացում էր տարուայ ընթացքում մի կամ երկու անգամ, այն եւս մեծ տօների ժամանակ, թէեւ լոացքը նրան ոչինչ չարժէր, որովհետեւ տալիս էր իր աշակերտներից մէկին, եւ նա իր մօրը լոանալ էր տալիս: Բայց Սիմոն պատոռելիի կարծիքով, երբ շապիկը յաճախ էր լոացում, նա խիստ շուտով էր մաշում: Արդեօք ա՛յդ էր, որ նրան առիթ էր տուել զանց առնել մաքրութեան գլխաւոր պայմանը, թէ նա առհասարակ մաքրասէր չէր, այդ դժոար է լուծել: Միայն նրա տնտեսագիտութիւնը այդ կետից պէտք էր սխալ համարել. իրաւ է, շապիկը յաճախ լոացուելով շուտով է մաշում, բայց, կեղտի մէջ մնալով, բոլորովին փտում է: Այդ էր պատճառը, որ Սիմոն պատոռելիի շապիկը լոացուելուց յետոյ միշտ կարօտ էր կարկատանների: Երբ մօտենում էր մեծ տօնը, երբ անբախտ շապիկը տարւում էր աշակերտի մօր տունը, մինչեւ նրա վերադարձը, որ երբեմն երկար էր տեւում, Սիմոն պատոռելին իր կուրծքը սովորաբար ծածկում էր քթի գունաւոր թաշկինակով, որի ճութերը կապած էին լինում վզի ետեւից, ծոծրակի վրայ: Այդ տեսնում էին աշակերտները, տեսնում էին եւ աշակերտների ծնողները: Գուցէ դրանից ծագեց այն հանգամանքը, որ Սիմոն պատոռելիի շապիկ լոացումը դպրոցի ժամանակագրութեան մէջ մի առանձին տեղ էր բռնում: Նրա աշակերտների լեզւում կազմուել էր մի այդպիսի սրախօսութիւն՝ ամէն մի վաղաժամանակեայ դէպքի մասին ասել. «Այդ անցքը շատ հին է եւ այնքան հին, որ Սիմոն պատոռելին իր շապիկը դեռ նոր էր լոանալ տուել»: Այժմ, կարծեմ, հասկանալի է, թէ Սիմոն պատոռելին որքան մեծ յարգանք ուներ դէպի առաջնորդի դահլիճը, որ ներկայացել էր այնտեղ լոացուած շապիկով: Երեսը ինամբով ածիլած էր եւ երեւի շտապելուց մի քանի տեղ ածելին կտրել էր: Կտրած տեղերի վրայ բամբակ էր կպցրած: Սիմոն պատոռ-